



**Tus Txheej Txheem
Them Nyiaj Yug Me Nyuam**
Your Guide to Paying Child Support

WI BUREAU OF CHILD SUPPORT



Peb yuav pab tau li cas

Txiav Nyiaj

- txwv li no
- Saib kom paub ntau ntxiv txog cov kev txwv no

Daim ntawv qhia them nyiaj txhua hli thiab cov coupons

- Daim Qauv Payment Coupon
- Tej kis hauv daim Monthly statement of Account
- Nqi Tes R&D thiab Cov Coupons

Cov lus niam txiv nug

Xav paub ntxiv lod?

Qhia ntxiv txog Nyiaj Them Yug Me Nyuam (Hmoob)

- Kev pab cuam
- Leej txiv raws txoj cai
- Teev nqi them yug
- Hais kom tau nyiaj them yug
- Hloov los yog tso kev them nyiaj yug tseg
- Cov nyiaj them yug uas dhau lawm
- Kev qhia pab rau cov niam txiv
- Cov cai thiab lub luag hauj lwm
- Cov kev pab cuam W-2, Nyiaj Ntsuab, thiab Nyiaj Them Yug Me Nyuam
- Nyiaj Them Yug Me Nyuam thiab BadgerCare +
- Them cov nqi thaum yug tus me nyuam rov qab

Peb yuav pab tau li cas

Wisconsin Child Support Program yuav pab tau koj xws li:

- teb koj cov lus nug txog koj rooj plaub thiab kev pab cuam huav Child Support
- nrog koj xyuas tej ntaub ntawv los yog hloov qhov kev them nyiaj yug (qhov hloov ntawd tej zaum qhov nyiaj them tuaj yuav nce los yog txo)
- nrog koj qhov chaw ua hauj lwm xyuas txog kev txiav nyiaj them yug
- muab ntaub ntawv qhia txog kev them nyiaj yug me nyuam nyob rau koj rooj plaub
- muab ntaub ntawv luam qhia txog keeb kwm ntawm koj tus account
- pab nrog koj tuav tswv yim npaj ib txoj kev them ib zaug me ntsis yog koj tshuav nqi them tsis tau tas
- muaj neeg txhais lus thiab txhais ntawv dawb rau cov ntaub ntawv hais txog kev them nyiaj yug me nyuam
- muab kev tiv thaiv yog tias peb qhia koj qhov chaw nyob, xov tooj, chaw ua hauj lwm, los yog lwm hom ntaub ntawv uas yuav ua rau kom koj tsis muaj kev nyab xeeb

Wisconsin Child Support muaj kev pab qhia txog nyiaj rau txhua tus neeg uas raug them los yog tua txais nyiaj yug – nyiaj them yug me nyuam, them yug tsev neeg, ntawv kho mob, thiab nyiaj them yug tus niam los sis tus txiv. Cov kev pab no tsuas yog los xyuas txog kev them nyiaj thiab qhia txog nyiaj txiag hauv tus account.

Leej niam leej txiv yeej mus thov tau kev pab txog nyiaj them yug me nyuam nyob rau ntawm lawv lub koom haum saib xyuas txog phab kev txiav nyiaj them yug me nyuam es tsis tau them nqi tes ua ntaub ntawv. Cov yim neeg uas tau txais W-2, SSI Caretaker Supplement, los yog Kinship Care yeej tau txais cov kev pab cuam no. Muaj tej yim neeg uas tau txais Badger Care Plus yeej tau txais cov kev pab no thiab.

Dhau li ntawm them nyiaj yug me nyuam lawm, puas muaj dab tsi rau kuv ua thiab?

Koj yuav tau qhia rau lub tsev hais plaub thiab koj lub koom haum saib xyuas txog phab kev txiav nyiaj them yug me nyuam paub yog koj tsiv, hloov hauj lwm, los yog nyiaj hli hloov lawm. Lub xeev yuav tsum kom xa daim ntawv ceeb toom no tawm tsis pub dhau 10 hnub ua hauj lwm tom qab hloov. Cov ntaub ntawv ceeb toom tseem ceeb yog xa tuaj rau hauv tsev. Yuav kom koj tau txais cov ntaub ntawv ceeb toom tseem ceeb koj yuav tau qhia rau koj lub koom haum saib xyuas txog phab kev txiav nyiaj them yug me nyuam thaum koj hloov koj qhov chaw nyob. Lub tsev hais pluab (circuit courts) thiab cov koom hauv saib xyuas txog phab kev txiav nyiaj them yug me nyuam muaj teev nyob hauv phau ntawv teev xov tooj nyob hauv “County Government” los yog pab pawg neeg lub npe. Koj kuj qhia tau koj qhov chaw nyob tshiab rau ntawm “Child Support Online Services” (Lus As Kiv) lub web site nyob rau ntawm dcf.wisconsin.gov/bcs (yuav tsum rau npe).

dcf.wisconsin.gov/bcs (Hmoob)

Txiav Nyiaj (Income withholding)

Koj qhov chaw ua hauj lwm yuav tau txais daim ntawv ceeb toom kom txiav nyiaj them yug. Koj qhov chaw ua hauj lwm txiav qhov nyiaj them yug tawm ntawm koj daim tshev es muab xa mus rau hauv Wisconsin Support Collections Trust Fund kom lawv mam them tuaj. Tej zaum cov chaw ua hauj lwm yuav tsub ib tug nqi tes \$3.00 rau thaum txiav nyiaj ib zaug los them rau nqi ua ntaub ntawv. Tej zaum kuj yuav txiav nyiaj them yug me nyuam tawm ntawm niam txiv cov nyiaj poob hauj lwm, nyiaj raug mob tom hauj lwm, nyiaj laus, thiab nyiaj Social Security Disability Income (SSDI).

Yog koj poob hauj lwm los yog raug hu mus ua tub rog, thov hu rau koj lub koom haum saib xyuas txog phab kev txiav nyiaj them yug me nyuam. Tej zaum lawv yuav pab tau.

Yog koj tshuav nqi them tsis tau tas, qhov nyiaj pib txiav tawm ntawm koj daim tshev yuav ntau dua qhov lub tsev hais plaub tau txiav txim. Tej zaum tus nqi teev nyob rau hauv koj daim ntawv ceeb toom yuav nce mus txog li 50% ntawm qhov koj them ziaj no. Piv txwv tias, qhov tsev hais plaub txiav txim rau koj them yog \$250/ hli rau ziaj no. Koj daim ntawv ceeb toom yuav ntxiv \$125 (50% ntawm \$250). Tus nqi txiav tag nrho yuav yog li \$375 (\$250 rau qhov them ziaj no, thiab \$125 them rau qhov poob qab lawm). Txoj cai Consumer Credit Protection Act yuav muab los siv rau qhov no thiab. Saib lo lus nug tom ntej no txog cov kev txwv no ntxiv.

Kuv qhov chaw ua hauj lwm yuav txiav tau nyiaj npaum li cas tawm ntawm kuv daim tshev mus them yug me nyuam?

Tseem fww txoj cai **Consumer Credit Protection Act** (saib kom paub ntau ntxiv txog cov kev txwv no) txwv tsuas pub txiav nyiaj kom txog ib tug nqi xwb. Tsab ntawv ceeb toom txog cov nyiaj muab tuav cia uas koj tus tswv hauj lwm tau txais teev cov nyiaj muab tuav cia tsis pub tshaj uas pom hauv qab no. Yog koj qhov chaw ua hauj lwm txiav tsis tas tus nqi koj raug them, **koj yuav tau them qhov txiav tsis tas ntawd**. Koj yeej hais tau koj qhov chaw ua hauj lwm kom txiav tus nqi them yug kom tas li yuav tau them, txawm tias yuav ntau tshaj qhov lawv txwv. Txoj cai Consumer Credit Protection Act txwv li no:

- 50% ntawm koj lub nyiaj hli khwv tau tom qab txiav se yog koj muaj tsev neeg thib ob
- 55% ntawm koj lub nyiaj hli khwv tau tom qab txiav se yog koj muaj tsev neeg thib ob thiab them nyiaj yug uas poob qab tshaj 12 lub lis piam lawm
- 60% ntawm koj lub nyiaj hli khwv tau tom qab txiav se yog koj tsis muaj tsev neeg thib ob
- 65% ntawm koj lub nyiaj hli khwv tau tom qab txiav se yog koj tsis muaj tsev neeg thib ob thiab them nyiaj yug uas poob qab tsaj 12 lub lis piam lawm

Qhov nyiaj nqa los tsev yog qhov nyiaj uas khwv tau tom qab txiav se tawm mus rau tseem fww, lub xeev, thiab hauv zos thiab se rau Social Security.

Kuv ua ob txoj hauj lwm. Ob qho chaw ua hauj lwm puas yuav txiav nyiaj yug me nyuam tib si?

Tej zaum lawv yuav txiav tej zaum law yuav tsis txiav. Tag nrho tus nqi txiav rau ib lub hlis twg yuav tsum yog tib tug nqi uas teev nyob hauv daim ntawv ceeb toom mus rau ib qhov chaw los yog ob qho tib si mus them yug. Koj lub koom haum saib xyuas kev txiav nyiaj them yug me nyuam yuav tsum muab ib daim qauv ntawm tsab ntawm ceeb toom txog qhov muab cov nyiaj tuav cia, uas qhia rau koj paub seb qhov nyiaj muab tuav cia los ntawm ib tug tswv hauj lwm yog ntau npaum cas. Yog koj tsis tau txais ib tsab ntawv ceeb toom txog cov nyiaj muab tuav cia, koj nug tau koj lub koom haum saib xyuas kev txiav nyiaj them yug me nyuam kom luam ib daim rau koj. Tseem siv tseem fww txoj cai Consumer Credit Protection Act rau qhov no. Saib lo lus nug saum tom no txog cov kev txwv no ntxiv.

Kuv qhov chaw ua hauj lwm tsis zoo siab txog kev txiav nyiaj vim muaj ntaub ntawv ntau heev. Kuv ntshai tsam kuv poob hauj lwm.

Raws txoj cai, koj qhov chaw ua hauj lwm yuav nrho tsis tau koj tawm hauj lwm vim qhov txiav nyiaj no. Yog koj qhia tau hais tias kev txiav nyiaj no ua tau rau kom muaj teeb meem rau koj, koj yuav hais tau kom lub tsev hais plaub nrhiav lwm txoj kev rau koj them. "Irreparable harm" yog qhov kev phem ua kom tsis zoo rau koj uas yuav kho tsis tau li lawm. Qhov koj thov yuav tsum muab hais rau kws txiav txim plaub ntug tsis pub dhau 10 hnuv suav txij hnuv muab tsab ntawv ceeb toom txog qhov muab cov nyiaj tuav cia xa tuaj rau koj.

Muaj ntau yam ntxiv txog txiav nyiaj

Yuav ua li cas yog txiav nyiaj yuam kev? Yuav ua li cas yog kuv qhov chaw ua hauj lwm txiav nyiaj ntau tshaj qhov teev hauv daim ntawv ceeb toom txiav nyiaj los yog tsis xa nyiaj mus rau lub Trust Fund?

Yog qhov nyiaj txiav tawm tsis yog raws li qhov teev hauv koj daim ntawv ceeb toom, koj yuav tsum qhia rau koj qhov chaw ua hauj lwm. Koj muaj feem xyuam xyuas txog koj qhov nyiaj them yug me nyuam uas tsev hais plaub txiav txim, txawm tias koj qhov chaw ua hauj lwm tsis txiav nyiaj tawm, txiav nyiaj tsis yog tus nqi, los yog tsis xa qhov nyiaj mus rau hauv lub Trust Fund. Cov chaw ua hauj lwm yuav tsum xa cov nyiaj txiav them yug mus rau lub Trust Fund tsis pub dhau tsib hnuv txij hnuv txiav nyiaj. Qhov chaw ua hauj lwm uas txiav nyiaj them yug tab sis tsis xa qhov nyiaj mus rau hauv lub Trust Fund yog yuam txoj cai lawm. Hu rau koj lub koom haum saib xyuas txog phab kev txiav nyiaj them yug me nyuam yog koj qhov chaw ua hauj lwm tsis xa qhov nyiaj txiav them yug mus rau lub Trust Fund.

Koj yuav saib tau cov nyiaj them yug rau koj raws li peb qho nram no:

1. Hauv Child Support Online Services lub website ntawm dcf.wisconsin.gov/bcs (lus As Kiv)
2. Koj Daim Ntawv Qhia Nyiaj Txhua Hli ntawm Tus As-Khauj (Your Monthly Statement of Account) – Yog koj nyob rau qhov muab cov nyiaj tau los tuav cia koj yuav tsis tau txais ib Daim Ntawv Qhia Nyiaj Txhua Hli ntawm Tus As-Khauj (Monthly Statement of Account), tab sis koj thov tau ib daim.
3. Hauv KIDS Information Line (ntaub ntawv hais txog cov nyiaj them rau koj ob zaug dhau los)
(800) 991-5530 xov tooj hu dawb
(877) 209-5209 xov tooj hu dawb TTY

Yog ua cas kuv thiaj sau tsis tau tshav mus them xwb?

Wisconsin txoj cai hais kom txiav nyiaj. Raws li muaj, tsuas yog cov niam/txiv uas ua hauj lwm rau nws tus kheej thiaj tsis raug txiav nyiaj xwb. Tej zaum cov niam txiv no yuav tau xyuas kom muaj ib txoj kev tuaj rho nyiaj tawm ncaj qha ntawm lawv lub txhab tso nyiaj (bank).

Puas muab qhov nyiaj txiav ntawd ua ib tug nqi tes rau Receipt and Disbursement (R&D)?

Muab, tiam sis tsuas yog thaum twg tus niam/txiv ntawd tsis them tus nqi tes kom txwm xyoo los yog tseem tshuav nqi them tsis tau tas rau R&D ntau xyoo dhau los. Yog tseem them tsis tau tas, peb yuav hais kom koj qhov chaw ua hauj lwm txiav nyiaj them tus nqi tes uas dhau lawm rau R&D peb zaug huav ib xyoos (caj nplooj ntoos hlaw, ntuj sov, thiab caj nplooj ntoos poob). Yog koj ua hauj lwm rau ntau tshaj ib qho chaw, tsuas yog ib qho chaw ua hauj lwm thiaj raug txiav qhov nyiaj nqi tes rau R&D xwb. Yog xav paub ntxiv txog qhov nqi them no, mus saib ntawm dcf.wisconsin.gov/bcs.

Daim ntawv qhia them nyiaj txhua hli thiab cov coupons

Peb yuav xa daim ntawv qhia them nyiaj txhua hli thiab cov coupons tuaj rau koj yog koj muaj li nram qab no:

1. Koj tsis raug txiav nyiaj
2. Koj poob qab rau kev them nyiaj
3. Koj nyuam qhuav xa nyiaj nrog daim coupon mus rau lub Trust Fund
4. Koj hais kom koj lub koom haum saib xyuas txog phab kev txiav nyiaj them yug me nyuam xa daim ntawv qhia them nyiaj thiab cov coupons tuaj rau koj txhua hli

Yog koj zwm npe rau hauv Child Support Online Services lub website ntawm dcf.wisconsin.gov/bcs (lus As Kiv), koj yuav

- Saib tau qhov nyiaj them thiab seb tshuav npaum li cas
- Saib thiab luam cov coupons thiab keeb kwm ntawm cov nyiaj koj them

Koj yuav luam tau ib daim “quick print” coupon hauv dcf.wisconsin.gov/bcs (lus As Kiv). Tsis tas yuav zwm npe rau qhov no. Tab sis, cov quick print coupons no yuav tsis teev dab tsi txog koj li koj daim coupon nyob hauv Child Support Online Services lub site.

Muaj ntau yam ntxiv txog daim ntawv qhia them nyiaj txhua hli thiab cov coupons

Ntawv Ceeb Toom txog R&D Tus Nqi Tes thiab cov Coupons

Txhua lub Ib Hlis Ntuj, peb yuav xa daim ntawv ceeb toom txog koj cov nqi tes hauv R&D nrog ib daim coupon rau R&D qhov nqi tes. Yog koj tseem tshuav nqi tes rau R&D thiab koj tsis siv kev txiav nyiaj, koj yuav tau txais ib daim ntawv ceeb toom txog R&D nrog rau ib daim coupon rau thaum lub Plaub Hlis, Xya Hli, thiab Kaum Hli.

Kuv qhov chaw ua hauj lwm siv puas tau kuv cov coupons?

Tsis tau. Thov tsis txhob muab cov coupons no rau koj qhov chaw ua hauj lwm siv. Cov chaw ua hauj lwm yuav tau lawv ib cov ntawv rau kev txiav nyiaj them yug thiab rau cov nqi tes hauv R&D.

Kuv yuav siv daim coupon twg mus them rau yam twg?

- Siv daim coupon kom yog rau qhov koj them. Ib daim coupon twg yuav qhia tau rau lub Trust Fund kom muab koj qhov nyiaj mus them rau kev yug los yog them rau cov nqi tes hauv R&D. Yog koj siv daim coupon tsis yog, koj qhov nyiaj them yuav muab them rau qhov tsis yog.
 - Siv daim **Payment Coupon** mus them rau kev them nyiaj yug, qhov poob qab them lawm, thiab tus paj.
 - Siv daim **Coupon rau R&D** mus them rau koj qhov R&D nqi tes.
- **Tsis txhob siv cov coupons no** mus ua ib qhov kev them li tau pom zoo nrog koj lub koom haum saib xyuas txog phab kev txiav nyiaj them yug me nyuam kom tsis txhob muaj teeb meem nrog lub koom haum txog rau daim Lien Docket. Txog ntawm tej yam nqi li no, hu mus rau koj lub koom haum saib xyuas txog phab kev txiav nyiaj them yug me nyuam kom tau lwm daim ntawv.

Kuv tseem them cov nyiaj yug rau ob tse neeg uas kuv poob qab lawm. Muaj tej yam tshwm sim, es tej zaum ib tse neeg xav tau nyiaj ntau dua qhov kuv them txhua lub hlis. Kuv yuav ua li cas es qhov nyiaj tshaj ntawd thiaj mus nca qha rau tsev neeg ntawd?

Yog koj xav them me ntsis ntxiv mus pab ib tse neeg, siv koj daim Payment Coupon es “teev” qhov nyiaj them ntawv xa ncaj qha mus rau qhov specific court case ntawd. Sau tsev neeg ntawd tus case number uas nyob ntawm kab sau hais tias “Designated Court Case?”, **thiab** kos rau lub box nyob rau ntawm sab xis ntawm txoj kab. Saib daim coupon phab **Error!**
Bookmark not defined..

Nco ntsoov: Yog koj tseem tshuav nqi hauv lub hli koj xaiv pab tsev neeg ntawd, qhov nyiaj them ntawd yuav **xub muab mus them rau qhov yuav tsum them tam sim no rau tsev neeg ntawd tso.**

Leej twg thiaj teb tau kuv cov lus nug txog cov coupons?

Yog koj muaj lus nug txog koj cov coupons, thov hu rau lub Trust Fund, Monday txog Friday, 8:00 AM - 5:00 PM (Central Time), ntawm:

(800) 991-5530 xov tooj hu dawb
(877) 209-5209 xov tooj hu dawb TTY

Puas xav tau daim coupon them nyiaj los yog daim coupon rau R&D?

Thov hu rau lub Trust Fund,
Monday txog Friday
8:00 AM - 5:00 PM ntawm:
(800) 991-5530 xov tooj hu dawb
(877) 209-5209 xov tooj hu dawb TTY

Muaj ntau yam ntxiv txog daim ntawv qhia them nyiaj txhua hli thiab cov coupons

Daim Qauv Payment Coupon

Sau tus court case number thiab **Kos** lub box

PAYMENT COUPON

KIDS PIN * [Koj tus KIDS PIN *]
Payer Name [Tus Them Lub Npe]

Designated Court Case? [Qhov Court Case?]

To apply your payment to a certain court case, you must check the box and write in the court case number.
[Xav kom koj qhov nyiaj them mus rau court case twg, koj yuav tsum kos lub box thiab sau tus case number.]

Change of Address? [Hloov Chaw Nyob?]

Enter Amount Enclosed: [Sau Tus Nqi Xa Ua Ke Nrog]

Check this box and write your new address on the back of this coupon.
[Kos lub box no thiab sau koj qhov chaw nyob tshiab rau sab nraum qab daim coupon no.]

Mail coupon along with check or money order to:
[Xa daim coupon nrog daim tshev los yog money order mus rau:]

WI SCTF
Box 74200
Milwaukee, WI 53274-0200

Include your KIDS PIN * on check or money order.
[Sau koj tus KIDS PIN * rau ntawm daim tshev Los yog money order.]

Do not send cash or correspondence
[Tsis txhob xa nyiaj ntsuab los yog sau ntawv]

* Koj tus “KIDS PIN” yog koj tus PIN nab npawb rau koj qhov child support

Kuv yuav tsum them tus nqi yug \$75 txhua lub lis piam thaum kuv lav nyiaj, es kuv yeej them. Yog li cas kuv daim ntawv qhia txhua hli hais tias kuv tseem tshuav nqi?

Thaum tsev hais plaub txiav txim rau tus niam/txiv them nyiaj yug txhua lub lis piam los yog ob lub lis piam twg, hnuv them (“charge day”) qhov nyiaj ntawd yog muab ntaus rau hauv KIDS qhov computer system. Yog koj qhov nyiaj txiav them xa tawm rau hnuv koj lav nyiaj, tab sis KIDS hnuv xam rau kom koj them yog hnuv txawv hauv lub lis piam ntawd, koj tus account yuav tsis haum mus li ob peb lub hlis.

Nyob rau cov hli uas cov hnuv them ntau dua cov hnuv lav nyiaj, koj daim ntawv qhia yuav pom tias tsis muaj nyiaj txaus. Qhov nyiaj tsis txaus rau cov hli no hu ua “sij hawm poob qab (timing arrears).” Tsis muaj paj yuav tsub rau cov sij hawm poob qab no, thiab yuav tsis ua dab tsi.

Yog koj lav nyiaj txhua lub lis piam, koj yuav muaj 52 hnuv lav nyiaj (paydays) thiab 52 hnuv them (charge days) nyob rau xyoo ntawd. 52 hnuv them tus nqi \$75 yuav haum \$3,900 raws li tus nqi lawm. 52 zaug them tus nqi \$75 kuj yog \$3,900. Saib daim kom tswj (chart) phab 6.

Muaj ntau yam ntxiv txog daim ntawv qhia them nyiaj txhua hli thiab cov coupons

**Qhov them thiab qhov tau them lawm ntawm tus nqi \$75/txhua lub lis piam.
Mondays yog KIDS hnuv them. Thursdays yog hnuv niam txiv lav nyiaj.**

Lub hli	January	February	March	April
Cov hnuv KIDS sau nqi txhua lub lis piam hauv lub hli (Mondays)	4	4	5	4
Cov nqi sau tas nrho hauv lub hli	\$300	\$300	\$375	\$300
Cov hnuv lav nyiaj txhua lub lis piam hauv lub hli (Thursdays)	4	4	4	5
Tas nrho cov nyiaj them hauv lub hli	\$300	\$300	\$300	\$375
Tas nrho cov nyiaj sau tau txij xyoos tshiab txog tam sim nov	\$300	\$600	\$975	\$1275
Tas nrho cov nyiaj them txij xyoo tshiab txog tam sim nov	\$300	\$600	\$900	\$1275
Statement Balance (tus nqi them nrho tawm tus nqi sau los)	\$0	\$0	-\$75	\$0
Lub hli	May	June	July	August
Cov hnuv KIDS sau nqi txhua lub lis piam hauv lub hli (Mondays)	5	4	4	5
Cov nqi sau tas nrho hauv lub hli	\$375	\$300	\$300	\$375
Cov hnuv lav nyiaj txhua lub lis piam hauv lub hli (Thursdays)	4	4	5	4
Tas nrho cov nyiaj them hauv lub hli	\$300	\$300	\$375	\$300
Tas nrho cov nyiaj sau tau txij xyoos tshiab txog tam sim nov	\$1650	\$1950	\$2250	\$2625
Tas nrho cov nyiaj them txij xyoo tshiab txog tam sim nov	\$1575	\$1875	\$2250	\$2550
Statement Balance (tus nqi them nrho tawm tus nqi sau los)	-\$75	-\$75	\$0	-\$75
Lub hli	September	October	November	December
Cov hnuv KIDS sau nqi txhua lub lis piam hauv lub hli (Mondays)	4	4	5	4
Cov nqi sau tas nrho hauv lub hli	\$300	\$300	\$375	\$300
Cov hnuv lav nyiaj txhua lub lis piam hauv lub hli (Thursdays)	5	4	4	5
Tas nrho cov nyiaj them hauv lub hli	\$375	\$300	\$300	\$375
Tas nrho cov nyiaj sau tau txij xyoos tshiab txog tam sim nov	\$2925	\$3225	\$3600	\$3,900
Tas nrho cov nyiaj them txij xyoo tshiab txog tam sim nov	\$2925	\$3225	\$3525	\$3,900
Statement Balance (tus nqi them nrho tawm tus nqi sau los)	\$0	\$0	-\$75	\$0

Tus nqi them lawm thiab tus nqi raug them rau ib xyoos (52 lub lis piam los yog 12 lub hlis) yog \$3,900. **Yog** thawj lub hlis pib them muaj ntau hnuv raug them tshaj cov hnuv them, koj yuav tshuav nyiaj nyob rau tej lub hlis. Nws kuj yuav zoo ib yam li rau qhov them ob lub lis piam twg ib zaug thiab.

Nco ntsoov tias, yog koj nyob rau qhov muab cov nyiaj tau los tuav cia, koj yuav tsis tau txais ib daim ntawv qhia nyiaj txhua hli. Yog koj tsis tau txais ib daim ntawv qhia nyiaj txhua hli, es xav tau ib daim, hu rau koj lub koom haum saib xyuas kev txiav nyiaj them yug me nyuam. Koj mus nrhiav tau cov koom haum saib xyuas kev txiav nyiaj them yug me nyuam online nyob rau ntawm dcf.wisconsin.gov/bcs.

Muaj ntau yam ntxiv txog daim ntawv qhia them nyiaj txhua hli thiab cov coupons

Tej lub sij hawm kuv daim ntawv qhia txog nyiaj txhua hli muaj qhov “Notice of Delinquency” qhia kuv tias kuv poob qab them lawm. Txawm kuv them nyiaj ntxiv los, tseem hais li hauv daim ntawv ceeb toom. Qhov nov txhais tau li cas?

Yog koj tsis them tus nqi kom txaus li qhov tsev hais plaub tau kom them los yog tsis them raws li cov nqe lus tau npaj tseg, daim “Notice of Delinquency” yuav tshwm nyob rau hauv koj daim Monthly Statement of Account. Daim ntawv ceeb toom nyob hauv koj daim Monthly Statement yuav xyuas los ntawm tas nrho qhov koj tsis tau them.

Qhov ceeb toom yuav muaj yog koj tsis them kom tag tus nqi teev nyob hauv koj daim Monthly Statement hauv kab **“Periodic Payments Due,”** tsis yog tus nqi nyob hauv kab “Amount Owed at the end of (Month).” Cov nyiaj koj them yuav muab sib ntxiv thiab piv rau tus nqi teev nyob hauv **“Periodic Payments Due.”** Thaum tus nqi tsis them nce txog ib them lawm, koj daim ntawv qhia txog cov nyiaj yuav muaj ib daim ntawv ceeb toom raws li nram qab no. Xyuas daim qauv nyob rau phab 7 txog cov kab no.

- **Daim Ntawv Ceeb Toom 1** qhia tias, “A portion of your account is overdue. Please submit full payment immediately or contact your local child support agency.”
[“Ib feem ntawm koj tus account dhau lawm. Thov them tuaj kom tag tam sim los yog hu rau koj lub koom haum saib xyuas txog phab kev txiav nyiaj them yug me nyuam.”]

Koj yuav pom Daim Ntawv Ceeb Toom 1, yog ib lub sij hawm dhau mus, muab tus nqi tsis them los sib ntxiv es nce txog 52% ntawm tus nqi tag nrho huav **“Periodic Payments Due.”** Piv txwv tias: Qhov koj niaj zaus them yog \$360. Yog qhov koj tsis tau them sib ntxiv mus txog \$187.20 (52% ntawm \$360), yuav muab Daim Ntawv Ceeb Toom 1 ntaus nrog koj daim Monthly Statement of Account.

- **Daim Ntawv Ceeb Toom 2** qhia tias, “Your account is overdue or you have defaulted on your payment plan. Enforcement actions will be taken until these amounts are paid. Delinquent amounts may be subject to intercept of your tax refunds, enforcement of a child support lien through administrative enforcement actions, and/or court action. Please submit full payment immediately, or contact your local child support agency.”
[“Koj tus account dhau caij lawm los yog koj tsis them raws li qhov tau npaj tias them. Yuav tau los taug qab rau cov hauj lwm no txog thaum tus nqi them tag lawm. Tus nqi ua tsis them ntawd tej zaum yuav tau mus muab ntawm cov se ua tau rov qab los, ua daim child support lien, thiab/los yog mus sib hais hauv tsev hais plaub. Thov them tus nqi kom tag tuaj tam sim no, los yog hu rau koj lub koom haum saib xyuas txog phab kev txiav nyiaj them yug me nyuam.”]

Koj yuav pom daim Ntawv Ceeb Toom 2, yog ib lub sij hawm dhau mus, tus nqi tis them ib yam li los yog tshaj tus nqi tag nrho nyob hauv **“Periodic Payments Due.”** Piv txwv tias: Tus nqi koj them yog \$360. Yog tias tus nqi tsis them muab sib ntxiv txog \$360 los yog tshaj, yuav muab Daim Ntawv Ceeb Toom 2 sau nrog koj daim Monthly Statement of Account.

Daim Ntawv Ceeb Toom 2 yuav tshwm yog koj cog lus los them tab sis tsis them raw li tau cog lus.

Tej zaum daim ntawv ceeb toom tseem yuav nyob nrog koj daim Monthly Statements tom qab koj them cov nqi tag. Yuav muaj neeg nrog saib tsis tseg thiab yuav rho Daim Ntawv Ceeb Toom tawm yog tias them tas tus nqi uas pobb qab lawm. Yog koj nyob rau hauv qhov them tsis tau tej nuj nqis (bankruptcy) kev tiv thaiv, koj yuav tsis tau txais ib Daim Ntawv Qhia Nyiaj Txhua Hli ntawm Tus As-Khauj (Monthly Statement of Account).

Muaj ntau yam ntxiv txog daim ntawv qhia them nyiaj txhua hli thiab cov coupons

**Tej kis hauv daim Cov Ntawv Teev Qhia Txhua Hli (Monthly statement of Account)
yog ib qho qauv rau lub 4 Hlis 2010**

* Koj tus **“KIDS PIN”** yog koj tus child support PIN nab npawb

KIDS PIN	Name	As Of
Koj tus KIDS PIN	Koj Lub Npe	04/30/2010 (Hnub Ua Daim Ntawv Qhia)
Account Activity for April		
Key Them		
<u>Court Case [Rooj Plaub]</u>	<u>Debt Type [Yam Nqi]</u>	
00FA00001	Yug Me Nyuam – Yug Ziag No	140.00
	Yug Me Nyuam – Cov Nqi Dhau Lawm	20.00
Court Case Subtotal		
[Rooj Plaub Tus Nqi]		160.00
00FA00002	Yug Me Nyuam – Yug Ziag No	160.00
Court Case Subtotal		
[Rooj Plaub Tus Nqi]		160.00
		\$320.00

Total Payments for April [Cov Nqi Tas Nrho rau Lub Plaub Hlis Ntuj]			
Court Ordered Balances Due [Tus Nqi Tshuav Yuav Them Uas Tsev Hais Plaub Tau Txiaiv Txim Kom Them] <u>Court Case [Rooj Plaub]</u> <u>Debt Type [Yam Nqi]</u>			
00FA00001	Yug Me Nyuam – Cov Nqi Dhau Lawm Cov Paj Ntawm Cov Nqi Dhau Lawm Nqi Tes Txais thiab Xa Nyiaj Tawm	1,051.00	

		300.00	
		35.00	
Court Case Subtotal [Rooj Plaub Tus Nqi]			1,386.00
	Cov Nqi Thaum Yug Tus Me Nyuam Mos – Cov Nqi Kho Mob Tau Them Uas Dhau Lawm	150.00	
Court Case Subtotal [Rooj Plaub Tus Nqi]			150.00
Total Amount Owed at the end of April [Tus Nqi Tas Nrho Tshuav rau thaum Lub Plaub Hlis Ntuj nqig]			\$1536.00
<u>Court Case [Rooj Plaub]</u> <u>Debt Type [Yam Nqi/Txheej twg]</u>			
00FA00001	Yug Me Nyuam – Cov Nqi Ziag No Lawm	140.00	
Court Case Subtotal [Rooj Plaub Tus Nqi]		20.00	160.00

00FA00002	Yug Me Nyuam – Cov Nqi Ziag No	\$160.00	
Court Case Subtotal [Rooj Plaub Tus Nqi]			160.00
Periodic Payments Due for May [Tus Nqi Them Ib Lub Sij Hawm rau Lub Ntsib Hlis Ntuj]			\$320.00
			(saib phab 6)

Cov lus niam txiv nug

Tus niam txiv tod tsis siv nyiaj them yug rau wb cov me nyuam. Puas ua tau dab tsi txog qhov no?

Tej nyiaj uas tus niam txiv tod siv them nqi tsev, dej, hluav taws xob, gas thiab zaub mov yog cov nyiaj uas siv rau koj cov me nyuam. Yog koj ntseeg tias koj cov me nyuam tsis muaj noj, tsis muaj hnav, tsis muaj tsev nyob, koj yuav tsum hu rau lub koom haum pab neeg nyob rau qhov chaw koj cov me nyuam nyob. Lub xeev thiab tseem fwv tsis muaj cai los mus tswj seb niam txiv siv cov nyiaj them yug me nyuam li cas.

Tus niam txiv tod ntiav ib lub koom haum los sau nyiaj vim kuv tseem tshuav nqi them tsis tau tas. Kuv yuav ua li cas?

Qhov tsev hais plaub hais kom koj ua yog xa koj qhov nyiaj mus rau hauv Wisconsin Support Collections Trust Fund. Xa nyiaj mus rau hauv lub Trust Fund yuav pab kom koj tau credit rau koj cov nyiaj them. Xa koj cov nyiaj (them rau “Wisconsin Support Collections Trust Fund” los yog “WI SCTF”), nrog rau koj daim Payment Coupon, mus rau

Wisconsin Support Collections Trust Fund
Box 74200
Milwaukee, WI, 53274-0200.

Yog kuv them nyiaj yug me nyuam, ua cas kuv thiaj tsis tau kev luv se (tax deduction)?

Lub Internal Revenue Service yog tus tswj cov nyiaj lov tsis them se rau cov me nyuam tseem tos yus pab. Hu rau IRS tus xov tooj hu dawb (800) 829-1040 los yog mus saib lawv lub website <http://www.irs.gov/> kom paub txog se ntxiv. Koj daim ntawv sib nrauj los yog them nyiaj yug me nyuam tej zaum yuav qhia tias tus leej niam leej txiv twg yog tus muab tau cov me nyuam tso rau hauv cov nyiaj lov tawm tsis them se. Xyuas koj daim ntawv kws txiav txim plaub ntug muab hais txog qhov no. Thov cim cia tias qhov koj tau Earned Income Tax Credit txawv qhov lov tawm tsis them se rau ib tug me nyuam. Rau qhov Earned Income Tax Credit, tus me nyuam yuav tsum nyob nrog koj ntau tshaj rau lub hlis hauv lub xyoo. Muaj cov kev txua tau mus qhia paub txog tsoom fwv teb chaws thiab tsoom fwv xeev kev them se nyob online ntawm dcf.wisconsin.gov/bcs.

Tsev hais plaub muab ib lub caij rau kuv nrog kuv cov me nyuam. Tus niam txiv tod tsis pub kuv pom lawv. Kuv tsis them nyiaj yug puas tau?

Tsis tau. Wisconsin txoj cai rau tsev neeg qhia meej lawm hais txog teeb meem cov me nyuam nyob nrog leej twg (lub sij hawm koj nrog cov me nyuam) thiab nyiaj them yug me nyuam. Tsis muaj ib leej niam txiv twg yuav tsis them nyiaj yug vim tus niam txiv tod tsis pub xyuas cov me nyuam. Tib yam nkaus, tsis muaj ib leej niam tixv twg ua tsis pub xyuas cov me nyuam vim tus niam txiv tod tsis them nyiaj yug me nyuam. Yog tus niam txiv tod tsis ua raws li tsev hais plaub txiav txim, hu rau koj tus family court. Mus saib hauv dcf.wisconsin.gov/bcs (lus As Kiv) es muab cov ntaub ntawv uas yuav siv los hais kom tsev hais plaub nrog tswj txog thiab hais txog ntawm kev tau cov me nyuam. Thov nco ntsoov tias tsuas yog lub tsev hais plaub thiaj tsim tau, hloov tau, los yog nrog tswj tau hais tias tus twg muaj cai rau cov me nyuam and cov me nyuam yuav nrog tus twg nyob.

Xav paub ntxiv lod?

- Lub koom hauv saib xyuas txog phab kev txiav nyiaj them yug me nyuam muaj teev nyob hauv phau ntawv teev xov tooj ntawm “county government” los yog pab pawg neeg lub npe thiab hauv internet ntawm dcf.wisconsin.gov/bcs.
- Muaj qhia ntxiv hauv internet ntawm dcf.wisconsin.gov/bcs (Hmoob). Cov tsev qiv ntawv feem ntau muaj Internet pub dawb rau neeg siv.

Los yog nug mus rau:

Yog tias Medicaid los yog BadgerCare Plus the rau cov nqi yug koj tus me nyuam, thov mus saib hauv “Kev Qhia Them Cov Nqi Yug Me Nyuam Rov Qab,” muaj nyob ntawm koj lub koom hauv saib xyuas txog phab kev txiav nyiaj them yug me nyuam thiab hauv internet ntawm dcf.wisconsin.gov/bcs.

Lub Department of Children and Families yog ib lub chaw hauj lwm thiab chaw muab kev pab uas muaj vaj huam sib luag. Yog koj muaj ib qho tsis taus thiab xav tau kev pab, xav tau cov ntaub ntawv muab sau ua ib hom ntawv, los sis xav kom muab cov ntaub ntawv txhais ua lwm hom lus, thov hu rau Child Support program at 608-422-6250. Cov neeg uas lag ntseg, hnov lus tsis zoo, dig muag los sis muaj ib qho tsis taus tshwj xeeb tuaj yeem siv tus xov tooj hu dawb Wisconsin Relay Service (WRS) – 711 hu mus rau lub chaw ua haujlwm.